

# Jud

---

<sup>1</sup>I dere aşta, Yesu Kerisoné kutó diratere whi Jems-né noma Jud-né dapó. Talené a beterepaae ape yóló, Alima Kótóné hosaa muóló yaala sókó fóo, Yesu Kerisoné dapesene wai wisiyóló kaae tawóo, ere so whipaae dapó.

<sup>2</sup>Ti Kótóné q̄leturaalu haḷe tao sere alakélé, hosaa muni deyóló dua betere alakélé, yaala sókó fole alakélé, mo turó diḷ tuamó mulópóló yae.

## **Kótó h̄ratere wh̄rapené dere alamó dowi tikipaae faaire ala**

<sup>3</sup>Yalo hosaa mole no nerape-ó, da fea aluyaqsóro Kótóné tao sere ala bete diḷné tuḷ yópóló, aşyaai ketekḷ bualepó. Téyaletēi, Talené ama kae betero betere so whipaae tuḷ tiki tiratere fo mo wisiyóló kaae tawae yóló, mo beta félimótóro melalepó. Ai fo wisi tokóló aluróló mené kae fo depa, taalae yóló foné saasepóló i dere ape. <sup>4</sup>Ti noatepae, mepaae wh̄rape kikiti wóló diḷ kuamó betereiteiné dapó. Ai wh̄rape atimané mió ai du betere ala yaai teópa mo taketitei, Kótóné só deró beterepóló aşemó erapó. Ti atimata, Kótóné ala erénitere wh̄rape bitu, Kótóné hamokoróló tao sere ala haḷe q̄la aqróló, nópu naaitere ala fo munipa yae du beterepó. Atéturaalu, da t̄teróló kaae tare mo doasi Tale Yesu Keriso betaḷtóró betepatei, atima a aqmó betaalo h̄róló ama doi doróló faletu beterepó.

<sup>5</sup>Mió yalo i yaaitere fo fea diaaḷ tuḷpatei, mo diriyóló tuḷ yaasepóló, momó i dapa wosae. Talené ama so whi Isip hae kwiamó betepa, ama tao sóro dapesó waletēi, nalo ama dere fo wosóló tuḷ tiki tiréni yale so whi mo ti dóló sisiraae faralepó. <sup>6</sup>Meta, Kótóné mepaae *ensel*-rapepaae kaae tawae yóló melale kutó taalóturaalu, atima betere tikikélé taaralepó. Atétepa, atima Kótóné dirii *sein* képiné dokóló diliki tuamó mo ti *dipula* betero beterepó. Aita haḷe mei, Talené ama taleyaaire doasi be de sókó wópóló, kaae taru betero beterepó. <sup>7</sup>Meta, Sodom beró Komora betamokélé, ai be hulua tamo felekemó tḷ mole doasi be huluarapekélé, doró betereitei kisipa muae. Ai berape huluamó betó mole so wh̄iné nópu nokole alaró kae kae sonaalei dowi alatamo mo dekéro haḷe yó tapa, Talené kwia melalepó. Mió i alimó betere so wh̄iné ai yale ala tuḷ muóló, nalo waaire alimó Talené dowi kwia matere so whi mo ti dó tare simó beteratepa, doasi dele saalopóló kisipa muópóló erapó.

<sup>8</sup> Ai ala ere kaaetóro, yaŕo diapaape yale kapala fo yó matere wh̄irape atima nokené i ala kelalepó du bitutei, nópu nokole alané atimané tikitei doróló folokleróo, doasi t̄eteróló kaae tare wh̄irape aomó bitini dow̄aae f̄oo, hepen bemó betere sek̄rapekélé faleyoó, du beterao. <sup>9</sup> T̄epatei, doasi topo *ensel* Maikel ā halaaíné Satan-paae etei kaae só deratere fo inipó. Moses-né tiki sini né saaloé yóló atimaamo sēj sēj yaleteti, Maikel-né Satan foné sóro só deréni, “Talené amatei ya foné sóro, só derópóló yae,” fo bet̄a erapó. <sup>10</sup> Topo *ensel*-né atei faletere fo dumitei, dī tuamó ai betó mole wh̄irape atima diriyóló tū inire alarape fea faletu beterao. T̄etu, atima topo daanire ̄la hupu ó yuwiné dere ala kaae, tó tikiné ek̄leyóló hāle hōko du betere ala atima mo wisiyóló kisiparu, dere alanétei atima mo dorótu beterao.

<sup>11</sup> Ai wh̄irape atima doló sukunaaire tūeni, hāle hōko du betere alata, Kein ā dow̄aae fóló noma du yale kaaetóro ai du betere ape. Kale wh̄i Balam ākélé doasi *moni* saai ek̄leyóló k̄opaae fu yale kaae, ai wh̄irapekélé tū tekeni, *moni* saai dapóló ek̄le duraalu ai fele ape. Kale wh̄i Kora-kélé Kótóné sóro beterao topo wh̄i Moses aomó betere h̄yóló dow̄aae fupa, Talené atima doló alurótu yale kaae, ai wh̄irapekélé atéro doraalopó. T̄eyaalopa ai wh̄irape atima wiyó yae!

<sup>12</sup> Ai wh̄irape atima haleni, Keriso so wh̄i dīsisi yaala sóko furaalu, ̄la deyóló nokole sukamó atimakélé Keriso wh̄irapepóló halaaíné, dītamo ̄la bet̄amó nukua dapó. Ai wh̄irape tuamóta, i ala kaae erapó. Tuamó kapo fosó ó ni serake kikititi holó tare kaae, dī doraaire ala atima tuamó bulapó. Meta, *sipsip* hupu kaae tare wh̄irapené hupurape wisiyóló kaae tani, ̄la atima maaté nuku dere kaae ai wh̄irapené du betere ala atérapó. Hali waairaalu, sāko diliki deretei halimo wéni, bes̄éné kae tikipaae só fu dere kaae dua dapó. Meta, ni du woletere alimó keleralemó, du bet̄akélé woleni, ama felekekélé haepaae derepéni yóló hāle tómó beleru, kale ni mo ti sélitu dere kaae atimané dere alaró betere alatamo atérapó.

<sup>13</sup> Meta, doasi wēi dokole sukamó dakeró ̄la ̄la holopetamo sóro wóló wēi fókumó mulótu dere kaae, mo sonaané yóló halei alatei, atima mo halaaíné du beterao. Meta, samó h̄ore hōko kutu dere kaae, atima mo dowi diliki dolomó atéro beterao, eró beterao.

<sup>14-15</sup> Adam-né deale naalené deté feletei dos̄aturaalu, apo mi dakoróló deale wh̄i Inokepaae Kótóné i fo yae yóló ipakalepó. “Talené ama kae betero betere *ensel*-rape mo hāle ̄la kaae atamo ai walapa kelae. So wh̄i feané ama ala eréni, kae tū sya fóló dowi ala duraalu, Tale faleyoó deteraaire fo du betaletimó, taleyoó só deraai waalopó,” erapó. <sup>16</sup> Ai wh̄irape atima Kótóné ala sya faalomeipóló, doka doka yóló faleturaalu, tó tikiné ek̄lere ala sya fóló dowi ala du beterao. T̄etu, atimatei doi sóro horóló bopé faketu beterao. Mepaae so wh̄iné atimamó me alakó erópóló kisipa mutu, foné so wh̄i hāle mulóló dukiratere fo du beterao.

### Kótóné ala erótu betereitei taaréni, haḷe eró tawae

<sup>17</sup>Tépatēi, yaḷo hosaa mole no nerape-ó, daḷ teḷeróló kaae tare whiḷ Yesu Kerisoné dotonale *aposel* whiḷrapené take nalopaae i ala yaalopóló, diḷpaape yó melale fo tuḷ muae. <sup>18</sup>Ai whiḷrapené diḷpaape i fo yalepó. “Take kemetere sukamó Kótóné ala faletu betere so whiḷ atima tó tikiné ekḷere ala sya fóló, dowi ala maaté du betaalopó,” erapó. <sup>19</sup>Ti ai ala du betere whiḷrape tuḷmó Deḷi Kepe Wisi bitini, mo hae whiḷné mole tuḷró dere alatamo maaté sya furaalu, diḷ tuḷmó fake tekerótu beterapó.

<sup>20</sup>Tépatēi, yaḷo hosaa mole no nerape-ó, diḷ Talené ama so whiḷ bitu ḷpaape tuḷ tiki tiró betereitei mo ti fakeyópoló, ama mo kae ere fo wisi sya fóló erótu betóo, Deḷi Kepe Wisiné diḷ fotokḷatepa Talepaape moma yóo, du betae. <sup>21</sup>Daḷ teḷeróló kaae tare whiḷ Yesu Kerisoné kḷletu, tao sóró mo ti betere ala tuḷpaape dapesó faaire be deḷ kaae taru, diḷ Kótóné yaala sókó fole ala tuḷmó betó tawae.

<sup>22-23</sup>Atéru, mepaae so whiḷ kisipa tamo muluraalu tuḷ tiki tiratere ala wotḷalepa, kḷletu tao sae. Téturaalu, mepaae mo felekemó sipaae faaitere so whiḷ atima aluyaḷsóró tao sóo, sukḷle whiḷné yei kuti bukaalo hḷtu dere kaae, mepaae so whiḷ atimané tó tikimó ekḷeyóló du betere sonaalei ala diḷpaape tekaḷsóró, wiyóló tika kae bitu kḷleyóló tao sóo yae.

### Kótóné doi doasi mulatere fo

<sup>24</sup>Diḷ dée naḷsóró tao senére sekḷné doi doasi muópoló, hale sóró horae. Ti diḷ ai sekḷné ama kae ere deḷ tuḷpaape dapesó fóló, me alakélé muni mo doasi haḷi faḷnuraalu ḷtamo betḷmó betenérápó. <sup>25</sup>Daḷ teḷeróló kaae tare Tale Yesu Keriso tuḷpaape erale alané so whiḷ aluyaḷsóró tao su beterapó. Atére Kótó mo betḷtóró beterapa, ama doi doasi mulae. Tétu, mo kae ere deḷ faḷne alakélé, ama mo kae ere ala wisinaalekélé, doasi fotokḷkélé, fea ala teḷeróló kaae tare betekélé, mo ḷpaatóró erópoló yae. Mo take keké nale alimókélé, mió i betere alimókélé, nalo betaaire alimókélé, ama doi doasi haḷe muó tanópoló, sóró horótu betae. Mo kée, téyópoló yae!